



14. september 2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunannga saqqummiussaqaarniarpunga:

**Ittoqqortoormiit Kommuneani immikkut ittumik suliniuteqarsimanermi aningasaliissutit atorpeqanngitsut pillugit Naalakkersuisunut apeqquteqaatit.**

(Inatsisartunut ilaasortaq Astrid Fleischer Rex, Demokraatit)

**Tunngavigisaq:**

Piffissami 2001-imiit 2003-mut Namminersornerullutik Oqartussat Ittoqqortoormiit Kommuneani immikkut ittumik suliniuteqarnissamut 2 mill. kr. missaanni aningaasaliissuteqarput. Kingusinnerusukkut paasinarsivoq aningaasaliissutigineqarsimasut tamakkerlugit atorpeqarsimannngitsut. Tassa 200.000 kr. missaanni atorpeqarsimannngillat.

Tamatuma kingunerisaanik Ittoqqortoormiit Kommunea december 2004-mi kommunalbestyrelsemi ataatsimiinnermi aalajangiunneqarpoq Ilaqutaarinnermut Pisortaqaarfimmut saaffiginnittoqassasoq. Saaffiginnissullu imaattunik oqaasertarqarpoq:

*” Kommunalbestyrelse 9. december 2004-mi ataatsimiinnermini Inunnik Isumaginninnermi Immikkoortortaqaarfiup Ittoqqortoormiit Komitiip aningaasat atugassaasa atorpeqarnissaat pillugu siunnersuutaa suliarineqarpoq. Siunnersuummut atatillugu takuneqarsinnaavoq Komitiimut aningaasaliussani kr. 200.000 kr. atorpeqarsimannngitsut. Inunnik Isumaginninnermi Immikkoortortaqaarfiup ilisimatitsissutigaa kommunemi innuttaasut 15-it aliasunnerminnik misigisaqapilussimanermillu qaangiinissamut katsorsarneqarnissamik pisariaqartitsisut, tassami akuerisinnasaminnik inuunerminnik ingerlatseqqissappata katsorsarneqartariaqarput. Ittoqqortoormiit Kommunea terapeut Karen Kleinschmidt-imit ilaqutariinnik katsorsaannermut atatillugu pikkorissanissamik sapaatip akunnerinik pingasunik sivisussusilimmik neqeroorut tigusimavaat.*

*Pikkorissanissaq neqeroorutigineqartoq kr. 200.000-inik akeqarpoq, taassuma saniatigut inuit marluk angalanissaannut kr. 50.000 ilanngunneqassapput.*

*Ittoqqortoormiit Kommunea matumuuna Ilaqutariissutsimut Pisortaqaarfimmut kr. 250.000-inik qinnuteqarpoq, tassa ilaqutariit katsorsarneqarnerannut atatillugu pikkorissanernik ingerlatsinissamut atugassanik.*

*Matumunnga ilanngullugu terapeut Karen Kleinschmidt-ip pikkorissanissamut nassuiaataa, kiisalu Inunnik Isumaginninnermi Immikkoortortaqaarfiup siunnersuutaa nassiunneqarput.”*

Ittoqqortoormiit Kommuneata paasisutissinnera tunngavigalugu Ilaqutariissutsimut Pisortaqaarfiup kommunip saaffiginnissutaa itigartissimavaa, tamatumanngalu tunngavigineqarpoq qinnuteqaatip kingusinaartumik nassiunneqarsimanera.

Tamakkua tunngavigalugit Naalakkersuisut makkunannga apeqquteqaateqarfiginiarpakka:

1. Sooq Naalakkersuisut Ittoqqortoormiit Kommuneata qinnuteqaataata akuerineqarnissaa kisaatiginngilaat?



2. Ittoqqortoormiit Kommuneani ilaqtariit katsorsarneqarnissaat siunertaralugu pikkorissaanis-samik siunnersuuteqarneq Naalakkersuisut pisariaqartinneqartutut isiginnginnerlugu?
3. Ittoqqortoormiit Kommuneani immikkut ittumik suliniuteqarnermut aningaasaliissutigineqar-tunit tamarmiusunit atunngitsoorneqarsimasut qasserpiaannersut Naalakkersuisut eqqortumik nalunaarutigisinnannginnerlugit?
4. Aningaasat atunngitsoorneqarsimasut sunut atorneqassannersut Naalakkersuisut eqqarsaati-gaat?
5. Naalakkersuisut pineqartumut tunngatillugu paasisutissanik soqutiginaateqarsinnaasunik al-lanik saqqummiussaqaarsinnaanerlutik?

Apeqquteqaatit tiguneriniit ullut suliuffiusut qulit qaangiutsinnagit akissuteqarfiginissaat kissaa-tigineqarpoq.